



Broj: 11-11-977/22
Vogošća, 14.06.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 14.06.2022. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA U SLUČAJU
HITNIH INTERVENCIJA I PODUZIMANJU MJERA NA PREVENTIVNOM, OPERATIVNOM
DJELOVANJU, NA ZAŠTITI I SPAŠAVANJU LJUDI I MATERIJALNIH DOBARA OD
PRIRODNIH I DRUGIH NESREĆA ZA PERIOD 2022.-2025. GODINA**

Član 1.

Ponuda ponuđača "Ame" d.o.o. Breza, ulica Branilaca grada bb Breza, odabrana je za izvođenje radova u slučaju hitnih intervencija i poduzimanju mjera na preventivnom, operativnom djelovanju, na zaštiti i spašavanju ljudi i materijalnih dobara od prirodnih i drugih nesreća za period 2022.-2025. godina, kao jedina formalno-pravno ispravna ponuda, sa ponuđenom ukupnom cijenom nabavke u iznosu od 127.800,00 KM bez uračunatog PDV-a, odnosno 149.526,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 20.05.2022. godine donio Odluku o pokretanju Otvorenog postupka nabavke radova u slučaju hitnih intervencija i poduzimanju mjera na preventivnom, operativnom djelovanju, na zaštiti i spašavanju ljudi i materijalnih dobara od prirodnih i drugih nesreća za period 2022.-2025. godina, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 23.05.2022. godine pod brojem: 1353-1-3-77-3-89/22.

Sažetak Obavještenja o nabavci objavljen je u "Službenom glasniku BiH" broj: 34/22 od 27.05.2022. godine.

Tendersku dokumentaciju sa Portala javnih nabavki BiH je preuzelo 8 (osam) ponuđača. Krajnji rok za dostavu ponuda bio je 08.06.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 08.06.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 11-11-977/22 iz maja 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Bucomerc" d.o.o. Kiseljak	139.645,00	/	/	163.384,65
2	"Ame" d.o.o. Breza	127.800,00	/	/	149.526,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Bucomerc" d.o.o. Kiseljak ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod b) TD je propisano da Ponuđač mora posjedovati-imati na raspolaganju građevinske mašine i tehničku opremu neophodne za uspješno izvođenje predmetnih radova i to da ponuđač između ostalog ima na raspolaganju i 1 (jednu) kombinovanu mašinu-skip. Kao dokaz za traženu kombinovanu mašinu-skip iz tačke 7.4.1. pod b) stavka 2. TD potrebno je bilo dostaviti važeću saobraćajnu dozvolu/potvrdu o registraciji ili važeću upotrebnu dozvolu.

Ponuđač "Bucomerc" d.o.o. Kiseljak je za traženo u svojoj Ponudi (strana 55. Ponude) dostavio Izjavu da raspolaže sa kombinovanom mašinom-skip registarskih oznaka M47-O-864.

Također kao dokaz za traženo je dostavljena i Potvrda o registraciji izdata od MUP-a SBK za radnu mašinu rovokopač Poclain 688 BP.

Obzirom da je ponuđač "Bucomerc" d.o.o. Kiseljak na strani 58-60. svoje Ponude dostavio dokaze za posjedovanje 3 radne mašine-rovokopača (Poclain 688 BP, Komatsu PC210NLC-7K i Kubota KX080), Komisija za javne nabavke je smatrala da ponuđač "Bucomerc" d.o.o. Kiseljak na taj način nije uspio dokazati da posjeduje-ima na raspolaganju kombinovanu mašinu-skip- traženu tačkom 7.4.1. pod) stavka 2. TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Ame" d.o.o. Breza ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Ame" d.o.o. Breza, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ame" d.o.o. Breza, za izvođenje radova u slučaju hitnih intervencija i poduzimanju mjera na preventivnom, operativnom djelovanju, na zaštiti i spašavanju ljudi i materijalnih dobara od prirodnih i drugih nesreća za period 2022.-2025. godina, kao jedine formalno-pravno ispravne ponude, sa ponuđenom ukupnom cijenom nabavke u iznosu od 127.800,00 KM bez uračunatog PDV-a, odnosno 149.526,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Bucomerc" d.o.o. Kiseljak
2. "Ame" d.o.o. Breza
3. Nadležnoj Službi
4. U dosije
5. a/a

bucomerc@yahoo.com
032/783-936



OPĆINSKI NAČELNIK

Edin Smajić
Edin Smajić